

Wuhlady za Lejno skerje špatne

Temu kolesowanskej šćežce podłu statneju dróhow S 100 a S 101 rozjimali

Pančicy-Kukow (aha/SN). Hižo wot měrca 2013 prócuje so iniciatiwna skupina w mjenje wobydlerjow Lejna, Zejic a Časec wo wutwar statneje dróhi S101 wot Zejic do Chrósćic z kolesowanskej šćežku kaž tež wo dalewjedženje kolesowanske-

ho puča podłu S100 wot Swinjarnje přez Zejicy hač za bywšej Lejnanskej cyhelnicy k gmejskej hranicy do směra na Budyšin. Spochi přiběraceho wobchada a wjacorych njezbožow dla stej kolesowanskej šćežce nuznje trěbnej. Mjeztym

je abatisa klóštra Marijineje hwězdy Philippa Kraft zwólniwa, trěbne płoniny za to předać, dokelž ma wona kolesowanski puč podłu wobeju dróhow tohorunja za trěbny. Tež zapósłanča zwjazkowneho sejma Marja Michałkowa (CDU) je přilubila projekt podpěrać. Wosebje pak zapósłanc Sakskeho krajneho sejma Alojs Mikławšk (CDU) je prócu iniciatiwneje skupiny přewodźał a so za nju zasadźał. Wčera su so z nim na městnje wjacori čtonojo iniciatiwneje skupiny zešli, zo bychu w přitomnosći nawody Budyskeje wotnožki krajneho zarjada za dróhotwar a wobchad Andreasa Biesolda, wjesnjanosty gmejny Pančicy-Kukow Markusa Kreuza (CDU) a twarskeho zamołwiteho klóštra Marijineje hwězdy Daniela Richtera móžne postupowanje za rozrisanje problema rozjimali. Na wotrězku mjez Swinjarnju a Zejicami měta gmejna planowanske džěta přewzać a twarske prawo zaručić. Porno tomu je wotwidžomne, zo wotrězk wuchodnje Lejna, kotryž je dotal do potřebneje skupiny B zastopnjowany, přichodnje hišće wobkedźbowany njebudźe. Kaž člon iniciatiwneje skupiny Jan Handrik z Lejna připowědźi, chce so wón dale za to zasadźeć, zo so projekt do skupiny A zarjaduje.



Markus Kreuz, Alojs Mikławšk a Andreas Biesold su wčera w Lejnje ze zastupjerjemi wobydlersekeje iniciatiwy Janom Handrikom, Stefanom Handrikom a Jurjom Šěrakom (wotlěwa) wo trěbnej kolesowanskej šćežce rěčeli. Foto: Alfons Handrik